

彈三尺桐海嶽幾時逢  
道侶塵寰何處訪  
仙翁不如覓箇安閒地  
了了忘忘養寸衷

雷澤晚行

水複山重路渺茫  
此中應是白雲鄉  
晚來獨自行雷澤  
明月清風望首陽

遊中條山

九天浮翠鬱岩巒  
綠笠青蓑映碧霄  
欸欸心兒思上界  
翩翩羽客到中條  
腳頭不用黃河濯  
肩背常將白日挑  
兩片飛鳧輕似鶴  
王官谷裏過溪橋

中州紀行

道藏輯要

三丰全集 古今詩類

六

續畢集九 川二八

中州南北遍尋真  
到處高歌弔古文  
滾滾煙飛卿相宅  
茫茫日落帝王墳  
身如斷梗隨流水  
臂負瑤琴帶夕曛  
來日又從河內去  
神中攜取太行雲

王屋山

海內大洞天王屋  
稱第一終古飛白雲  
至今護元室巖壑響笙簧  
峯尖掛日月我欲結茅居  
煉取神仙質

嵩嶽

重離太火開丹壁  
表正中州真峻極  
仙靈隱隱立三臺  
太少峩峩分兩室  
我今訪道如青蓮  
奇峯六六造其巔  
石上彈琴思縹緲  
雲中飛鶴舞翩翩  
忽然口渴憶玄酒  
手掬山泉聊漱口  
晚來

明月掛溪松松濤幾陣如雷吼靜中有動動偏閒柳瓢棕拂生巖間不遇真師亦快活留將鴻爪記嵩山

西遊

胸中五嶽侍全探秦岱恒嵩已過三今日更登西華去白雲開處望終南

關中旅寺有懷

拋別家山處處遊塞雲關月幾經秋丁公有志歸華表子晉何時返故邱今日渭南如旅雁去年河北似浮鷗溪泉放艇尋詩句兩岸風篁幾萬頭

華嶽

道藏輯要

三丰全集 古今詩類

五

續集九

巉巖大華俯全秦百二河山此地尊雲起謫仙搔首處雨過神女洗頭盆閒從翠嶂尋松實醉看青天枕石根我愛希夷高卧蹟應攜後進入玄門

扶風明月山中有清風洞過而口占

明月山頭玩明月清風洞口坐清風吟風嘯月吾將老對月聽風響未終

寶鷄晚行

倏爾遊秦鳳飄然到寶鷄路隨流水遠山壓暮雲低對面三峯立關心一榻棲結茆聊息足吾亦老礮溪

小廬題壁